



# Synfocity = 818

mail us at : [mzsynfo@gmail.com](mailto:mzsynfo@gmail.com); [mizoramsynod@gmail.com](mailto:mizoramsynod@gmail.com) - Phone - 2314648

November 11, 2021

## ☐ **Synod Executive Committee (SEC) an þu**

Synod Executive Committee (SEC) wawi 292-na chu JM Lloyd Hall, Synod Office-ah Nov. 9 - 11, 2021 chhung khan an þu a, committee member 128 kalin Aizawl khawchhung aþangin 45 leh Aizawl khaw pawn aþangin 83 an kal.

Meeting hi Synod Moderator Rev. Dr. C. Lalhlira'n a kaihruai a, hming lam a nih hnuah Synod Secretary leh Finance Officer te'n secretary report leh sum dinhmun report an pe a. Kum 2021 Synod Inkhawmpui neih dan tur te, Pastor dahngheh thu te, SEC leh OM rorel bawhzui dan te, Thuthlung Hlui Hrilhfiahna tlangzarh a nih thu te, Raltlante hnena tanpuina pek anih thu te, College of Nursing Building thar hawn thu te, Champhaia Synod Rescue Home Building thar tur lungphum phum thu leh thil hrang hrang secretary report-ah hian tarlan a ni.

Tun tum SEC-ah hian Agenda hrang hrang 49 chhawpchuah a ni a, heng zingah hian Presbytery aþanga thu lut agenda 6 a awm.

## ☐ **Synod Rescue Home, Champhai Lungphum**

Nov. 6, 2021 (Inrinni) khan Champhaia Synod Rescue Home building tur Lungphum Inkhawm tawi neih a ni. Inkhawm hi Synod Rescue Home Managing Committee member Rev. R. Lalþapuaia'n a kaihruai a, Rev. K. Lalrinmawia, Executive Secretary i/c Synod Social Front-in thu sawiin Lungphum a phum a. Rev. F. Lalrinawma, Synod Rescue Home Managing committee-in Rescue Home hmun thar chu Pathian hnenah hlan a, Managing Committee Secretary Rev. H. Lalrinmawia'n report a pe bawk.

2018 Synod Inkhawmpui-ah Champhai North Presbytery-in Champhai-ah Synod Rescue Home din rawtna a thlen a, Synod-in zirchiang tur ruatin hmalak zui nghal a ni a. Tunah hian Champhai Vengthlang Kohhran hmun (Chhanchhuahna In) luah hawhin bul tan rih a ni a. April ni 19, 2021 khan Synod Moderator Rev. Dr. C. Lalhlira'n a hawng tawh a, tuna an awm meknaah hian mipa 15 awm theih tura ruahman niin tun dinhmunah damlo 23 admit tawh an ni. Tunah hian Director Rev. H. Lalrinmawia leh thawktu dang 9 awmin damlo 14 an enkawl mek a. Building tharah erawh chuan mipa 30 leh hmeichhia 10 awm thei tura ruahmanna siam a ni.

Champhaia Synod Rescue Home hi Champhai Vengthlang Kohhran ram leh hmunhma hawhin bul tan a ni a, tuna in sakna tur pawh hi Champhai Vengthlang Kohhran ram tho niin Rescue Home puala an pek a ni.

## ☐ **Synod Revival rawngbawlina lehkhabu tlangzarh**

Nov. 5, 2021 (Zirtawpni) chawhnu dar 3 khan "**Synod Revival Rawngbawlina**" tih lehkhabu Synod Revival Director Rev. K. Rolungmuana ziah chu tlangzarh a ni.

Tlangzarh inkhawm programme tawi hi Synfo Studio-ah neih niin, Rev. Lianhmingthanga Sailo, Senior Executive Secretary-in a kaihruai a. Lehkhabu ziaktu Rev. K. Rolungmuana'n thu tawi sawiin, Rev. Dr. C. Lalhlira, Synod Moderator-in Pathian hnenah hlanin a tlangzarh.

Lehkhabu-ah hian Synod Revival rawngbawlina hrang hrang - Synod Revival bul tan dan te, Revival Committee rawngbawl dan te, inkaihhruaina te, Revival Centenary chungchang te, Kohhran Pavalai Pawl chungchang te leh thil dang tam tak tarlan a ni.

Synod Revival Rawngbawlina lehkhabu hi Rs. 200 man a ni a, Revival Department, Synod Office-ah lei theih a ni.

## ☐ **Thawktu thar**

Synod Service Board chuan thawktu pahnih (2) a la thar:

**Aizawl Theological College : Archivist (Regular)**

Vanlalfakawma s/o H. Lalhrilmawia, Khatla East - December 2021 aþangin a zawm ang.

**FG&CC : Peon-cum-Chowkidar (Contract)**

Lalbiakliana Khawlhing s/o Lalkhuma Khawlhing (L), Mission Veng - January 2022 aþangin a zawm ang.

- ☐ **Synod Mission Board leh ram pawn chet velna**
- ◆ **Jharkhand Mission Field**  
Nov. 7, 2021 (Pathianni) khan field chhung hmun hrang hrangah ringthar 42 Lal Isua zui turin an inpe a, Church of North India (CNI) kohhran aṅgingan kan Kohhranah mi 1 a inpe bawk.  
Nov. 8, 2021 (Thawḥṭanni) khan Church of North India (CNI) aṅgingan mi 1 leh Roman Catholic aṅgingan mi 12 kan kohhranah an inpe.
  - ◆ **Arunachal & Assam Mission Field (North)**  
Nov. 7, 2021 (Pathianni) khan ringthar 3 Lal Isua zui turin an inpe a, January - October 2021 chhung khan ringthar 97 an awm a. Tunah hian kumin chhunga target aṅanga a zat ve ringthar 100 an nei tawh a ni.
  - ◆ **Arunachal & Assam Mission Field (West)**  
Nov. 7, 2021 (Pathianni) khan ringthar 6 Lal Isua zui turin an inpe a, Tual Upa pahnih an thlang tling bawk.
  - ◆ **Assam Mission Field**  
Nov. 7, 2021 (Pathianni) khan ringthar 4 Lal Isua zui turin an inpe.
- ☐ **KṮP**  
Nov. 12, 2021 (Zirtawpni) zan hian Central KṮP buatsaih HIV/AIDS Awareness Television Live Programme Electric Veng Kohhran Hall aṅgingan neih a ni dawn.  
Programme hi zan dar 8-ah ṭan a ni ang a, Central KṮP Leader Rev. Vanlalmuanpuia Kiangte-in hunserh a hmang ang a, NI. Rebecca Lalbiakzami, Counsellor, ICTC, ZMC & SRH leh Dr. Lalchhanhima Ralte, Synod Hospital ten thu an sawi ang a, Mizoram Synod Choir leh zaithiam hrang hrang ten Pathian fakna hla an sa bawk ang. Programme hi LPS-1, Zonet Bawhbel leh Central KṮP Youtube channel-ah te Live-a pek chhuah tura ruahman a ni.
- ☐ **Synod Revival**  
Nov. 5 - 7, 2021 chhung khan Aizawl khawchhung leh dai velah Operation Nehemia hmun 12-ah neih niin hmun 3-ah Street Preaching neih a ni a, Synod Revival Speaker leh Counsellor te mi 80 feh chhuakin rawng an bawl.
- ☐ **Synod Relief Fund**  
October 2021 chhung khan Synod Relief Fund aṅgingan harsatna hrang hrang nei te hnenah chhawmdawlna Rs. 20,77,000/- sem a ni.
- ☐ **Hruaina Eng FM Radio :**  
**NOVEMBER 12, 2021 (Zirtawpni) (FM Zoawi - Aizawl & Lunglei @ 7:30 p.m.):**
- |                |   |
|----------------|---|
| <b>Zaipawl</b> | : Dawrpui Bial Zaipawl - Ka lo haw                    |
| <b>Solo</b>    | : H. Lalmuankimi - Zalenna dar                        |
| <b>Thusawi</b> | : Upa B. Lalhmunliana - Chhuna awm anga mawi taka awm |
| <b>Solo</b>    | : Jennifer Lalremruati - Ka thlang ber che            |
| <b>Zaipawl</b> | : Darlawn Bial Zaipawl - Thlarau Thianghlim           |
- ☐ **Susamachar Prasaran Programme :**  
**NOVEMBER 14, 2021 (Pathianni) 5:00 pm. :**
- |                         |  |
|-------------------------|--|
| <b>Group/Choir/Solo</b> | : Luangmual Vengthlang - Tumhara Mann Biakul Na Ho |
| <b>Group/Choir/Solo</b> | : Champhai Vengthlang Pastor Bial - Hamara Kal     |
| <b>Sermon</b>           | : Rev. P.C Rohlira - Parmeswar Ke Samit Rahena     |
| <b>Group/Choir/Solo</b> | : Siyon Swaram - Tere Charno                       |
| <b>Group/Choir/Solo</b> | : Vaivakawn Kohhran - Jay Jay Prabhu               |
- ☐ **Moderator leh Executive Secretary-te Programme:**
- |  |                           |
|--|---------------------------|
| <b>Rev. Dr. C. Lalhlira : Moderator</b>                        |                           |
| Nov. 13-15, 2021   | Khuangleng Bial           |
| Nov. 16-18, 2021   | Finance committee meeting |
| Nov. 21, 2021  | Hnahlan Bial              |
| <b>Rev. Lianhmingthanga Sailo : Senior Executive Secretary</b> |                           |
| Nov. 16-18, 2021   | Finance Committee meeting |

**Rev. B. Sangthanga : Executive Secretary**

Nov. 12-13, 2021 John Williams Hospital Committee meeting  
 Nov. 15, 2021 Naupang pual Media Committee meeting  
 Nov. 16-18, 2021 Finance Committee meeting  
 Nov. 20-22, 2021 Kohhran tlawh - Churachandpur

**Rev. K. Lalrinmawia : Executive Secretary**

Nov. 15, 2021 Sikulpui Committee meeting  
 Nov. 16-18, 2021 Finance Committee meeting  
 Nov. 19, 2021 Endowment Fund Committee meeting

**KOHRAN LIBRARY LEKHABU TUR LAMNA TUR SIAMTHAT THU HRIATTIRNA**

Kum 1982 Synod General No. 12-na in a rel anga Synod Literature & Publication Board lekhabu chhuah thar, Kohhran Library-a mi tur lei turte tana chhawp chhuahna hmun tur "*Synod Inkhawmpuina hmun Republic Veng Kohhran Biak Inah*" tih chu, Covid 19 hripui leng mek darh thei venthawna avanga Synod Bookroom hi Synod Inkhawmpuina hmun turah kan inhawn theih dawn loh avangin *Hqrs. Showroom, Mission Veng leh Mizoram chhunga Synod Bookroom Branch leh Distribution Center hrang hrangah* te chhawp chhuah zawk tur a ni a. Kohhran tana Library lekhabu lei turte'n Hqrs. Showroom, Mission Veng emaw Synod Bookroom Branch leh Distribution Center kan hnaih ber aṅanga lei mai turin kan inhriattir a ni.

**SMTC HRIATTIRNA**

Hri leng avanga hun rei tak chhung kan training programme a khaihlak hnuah ni 11 Oct., 2021 aṅang khan tluang takin training kan kalpui leh thei ta a. Kumthar (2022) lamah pawh harsatna awm lova kan kal theih kan beisei a, chuvang chuan Trade hrang hranga zir tur lakna INTERVIEW a hnuai hun leh hmun tarlanah hian buatsaih kan tum a. A hnuai tarlan ang hian interview neih tur a ni e.

A hun : Ni 29 Nov., 2021 (Thawṅanni) - 09:00am

A hmun : Synod Multipurpose Training Centre (SMTC); Mission Vengthlang

S.No	Trade	Seat	Course
1.	Diploma in Computer Application (DCA)	20	Thla 6
2.	Puanṅhui (Mipa)	20	Kum 1
3.	Puanṅhui (hmeichhia)	40	Kum 1
4.	Beauty Culture	6	Thla 6
5.	Mobile Repairing	5	Thla 6

Note : 1. Dilna hi plain paper-a thehluh tur a ni a, Ni 25 Nov., 2021 ral hma ngeiin SMTC Office-ah thehluh tur a ni.

2. Mamawh zual bikte tan Hostel hawn tum a ni.

Sd/-

Rev. Lalrinthara

Programme Director, SMTC

**PRESBYTERIAN BIBLE SCHOOL (PBS) HRIATTIRNA**

Presbyterian Bible School (PBS), Mission Veng, Aizawl-ah C.Th zir duh tan dilna form siam sa, Office-a leiin November 30, 2021 thleng theh luh theih a ni. December 14, 2021 (Thawhlejni) chawhma dar 10-ah PBS Lecture Hall-ah Interview neih a ni ang. Hre chiang duh tan Phone no. 8210377892 / 9862322112 -ah zawhfiah theih a ni e.

Sd/-, Principal

Presbyterian Bible School

**MISSIONARY TRAINING COLLEGE (MTC) HRIATTIRNA**

Missionary Training College (MTC)-ah Bachelor of Missiology (B.Miss) zir duh tan dil theih a ni leh ta. Dilna Form leh Prospectus hi Rs 50/- in office hun chungin MTC Office aţangin lak chhuah theih a ni e.

Dil thei chin	: CI - XII pass chin
Dilna theh luh hun hnukung	: 18 February, 2022 (Friday)
Entrance Test	: 1 March, 2022 (Tues); (9:30 AM @ MTC)
Interview	: 3 March, 2022 (Thurs); (10:30 AM @ Synod Committee Room I)

*Sd/-*, Principal  
Missionary Training College  
Mission Vengthlang  
Ph. No. : 2310157/2301337/9612164982

**SYNOD BOOKROOM BOOK NEWS FOR THE MONTH OF NOVEMBER 2021**

1. <b>Davida:</b> R. Lalrinawma lehlin	Rs. 350/-
2. <b>Nitin Pathian Hnaih :</b> Rev. Darrema Hlawndo	Rs. 200/-
3. <b>Thuhriltu Ropui Billy Graham:</b> Zothanmawia Khiangte	Rs. 100/-
4. <b>Tawngtaiin Khawvel Khawih Che Rawh:</b> O.M Books Foundation lehlin	Rs. 150/-
5. <b>Thlarau Thianghlim Zirtirna Aw XI:</b> Dr. P.C. Lianhmingthanga	Rs. 250/-
6. <b>Lalpa Pawl Nan:</b> Denghmingthanga	Rs 150/-
7. <b>Pathian Tana Alh Chhuak:</b> O.M Books Foundation lehlin	Rs. 150/-
8. <b>Huapzo Pathian Leh Kei:</b> Vanlalrema	Rs. 150/-
9. <b>Chanchin Tha Leh Khawvel Sakhuate:</b> B.T Nghinglova	Rs. 120/-
10. <b>Thlarauva Hruaitu:</b> O.M Books Foundation lehlin	Rs. 110/-
11. <b>Maria Goretti:</b> R. Lalrawna	Rs. 100/-
12. <b>Kawppui zawn leh Inremna:</b> Upa C. Hualkunga	Rs. 50/-
13. <b>Chungnungber Hnenah Chauh.</b> O.M Books Foundation lehlin	Rs. 90/-
14. <b>Fahrah Nun Kawng:</b> Lalrozama Ralte	Rs. 120/-
15. <b>Tui Mal Far Tam Zawng:</b> Dr. George Viewer	Rs. 80/-
16. <b>India Rama School Psychology dinhmun:</b> Dr. Rinpari Ralte leh Dr. Panch Ramaligam	Rs. 450/-
17. <b>Nunna Kawng Thuampuih:</b> Zikpui Pa	Rs. 200/-
18. <b>Arsi thawnthu:</b> James Dokhuma	Rs. 100/-
19. <b>Chhum Zinna Ram:</b> Lalengmawia Ralte	Rs. 100/-
20. <b>Zo Khaw Nun:</b> James Dokhuma	Rs. 100/-
21. <b>Vanhnuailiana Leh A Pasalthate Vanglai:</b> Apuia Tochwawng	Rs. 180/-
22. <b>Scientist Ropuite:</b> C. Laizawna	Rs. 100/-
23. <b>Court Kalphung:</b> H. Lalduhsanga	Rs. 200/-
24. <b>Mithla-a Lang Hlimthla:</b> Mathai Tochwawng	Rs. 200/-
25. <b>Exodus- Ram Tiam Lam Pan Zelin:</b> Rev. Dr. K. Thanzauva	Rs. 100/-
26. <b>Thawk I La Ang Hmiang:</b> V. Lalremthanga	Rs. 250/-
27. <b>English Grammar Zirna:</b> C. Lalhluna	Rs. 200/-
28. <b>I Tawka You:</b> B. Lalrinawma	Rs. 200/-
29. <b>Zonunmawi:</b> Rev. Dr. K. Thanzauva	Rs. 200/-
30. <b>Mizoram GK Mini Edition 6:</b> Lalhmachhuana Zofa	Rs. 100/-
31. <b>Sudden:</b> P.L. Liandinga	Rs. 250/-
32. <b>Hnam Ropuite U, Tho Ru Le:</b> Lalhruaitluanga Chawngte	Rs. 150/-